

L I G J

Nr.8464, date 11.3.1999

PER STANDARDIZIMIN

Ne mbeshtetje te neneve 78 e 83 pika 1 te Kushtetutes, me propozimin e Keshillit te Ministrave,

K U V E N D I

I REPUBLIKES SE SHQIPERISE

V E N D O S I :

KREU I

PERCAKTIME TE PERGJITHSHME DHE PERKUFIZIME

Neni 1

Ky ligj vendos rregulla per procedurat e hartimit e te miratimit te standardeve shqiptare dhe per percaktimin e statusit te tyre, akreditimit te laboratoreve te provave, organizmave certifikuese te produkteve, sistemeve te cilesise, personelit dhe organizmave inspektues, certifikimit te produkteve, proceseve, sherbimeve dhe sistemeve te cilesise dhe personelit, me qellim qe te sigurohet nje nivel i caktuar cilesie, me perjashtim te rasteve kur ne ligj percaktohet ndryshe.

Neni 2

Ne kuptimin e ketij ligji termat e meposhtme kane kuptimin qe vijon:

Me "Standardizim" kuptohet veprimtaria per percaktimin e standardeve, me mbeshtetjen dhe pjesemarrjen e te gjithe atyre, qe jane te interesuar dhe qe ju perkasin.

Me "Standard" kuptohet nje specifikim teknik, i miratuar nga organizmi kombetar i standardizimit, per perdorim te vazhdueshem, zbatimi i te cilit nuk eshte i detyrueshem (perjashtuar periudhen e caktuar ne nenet 11 dhe 16) dhe qe sherben si dokument per arritjen e nivelit te caktuar te cilesise.

Me "Akreditim" kuptohet procedura e dhenies se besimit specialistit, laboratorit te analizave, organizmit te inspektimit dhe te certifikimit nga Drejtoria e Pergjithshme e Standardizimit (DPS), me qellim qe te njihen zyrtarisht kompetencat e tyre, ne permbushjen e funksioneve te caktuara.

Me "Certifikim" kuptohet procedura e dhenies se markes se konformitetit dhe/ose te sigurise, e cila kryhet nga nje pale e trete dhe e paanshme per vertetimin e konformitetit te produkteve, proceseve, sherbimeve dhe sistemeve te cilesise; sipas kerkesave te

standardeve, specifikimeve teknike, kerkesave te tjera ose akteve ligjore e nenligjore ne fuqi.

Me "Produkt" kuptohet çdo produkt i prodhuar ne rruge industriale dhe çdo produkt bujqesor.

Me "Marke konformiteti "Standard Shqiptar" (SSH), kuptohet nje shenje dalluese, e cila vendoset mbi nje produkt ose mbi ambalazhin e tij, per te deshmuar konformitetin e ketij produkti me standardin ose specifikimet teknike, te cilave u referohet.

Me "Deklarate konformiteti" kuptohet nje dokument, me te cilin prodhuesi deklaron, nen pergjegjesine e vet personale, se nje produkt, proces apo sherbim, i ofruar prej tij, eshte konform nje specifikimi teknik.

Me "Rregulla teknike" kuptohen aktet nenligjore, me karakter teknik, te cilat percaktojne karakteristikat e produkteve ose proceset e prodhimit te tyre , ku perfshihen edhe masat administrative, qe zbatohen per shkeljet e tyre. Ato mund te permbajne edhe kerkesa qe kane te bejne veçanerisht me terminologjine, simbolet, paketimin, marketimin ose etiketimin, kur keto kane te bejne me nje produkt ose proces prodhimi.

Me "Specifikime teknike" kuptohen specifikimet e dhena ne nje dokument, te cilat japin karakteristikat e kerkuara per nje produkt, siç jane: niveli i cilesise, vetite, siguria, permasat, duke perfshire edhe terminologjine, simbolet, provat, metodat e analizave, paketimin dhe etiketimin e produktit.

Me "Sistem cilesie" kuptohet e gjithe struktura organizative, procedurat, proceset dhe burimet, qe i nevojiten nje subjekti per arritjen e cilesise se kerkuar. Sistemi i cilesise ndertohet mbi bazen e serise se standardeve nderkombetare, ISO 9000.

Neni 3

Ky ligj zbatohet nga te gjithe personat, fizike dhe juridike, vendas dhe te huaj, qe ushtrojne veprimtari ekonomike ne Republiken e Shqiperise.

KREU II

STANDARDET DHE RREGULLAT TEKNIKE

Neni 4

Standardet shqiptare (SSH) kane te njejten vlere per te gjithe personat, fizike dhe juridike, vendas dhe te huaj, qe ushtrojne veprimtari ekonomike ne Republiken e Shqiperise. Standardet shqiptare, ose pjese te tyre, perdoren si baze referuese per hartimin e rregullave teknike.

Standardi eksperimental percakton kerkesat cilesore per prodhimet, ndertimet dhe sherbimet e reja. Me pervetesimin e teknologjise rishikohet per t'i dhene atij statusin e Standardit Shqiptar. Standardi eksperimental nuk mund te merret si baze referimi per hartimin e rregullave teknike.

DPS-ja i jep perparesi hartimit, pershtatjes, adoptimit dhe miratimit te nje standardi, qe sherben si baze referimi per hartimin e nje rregulli teknik, te nevojshem per ekonomine shqiptare.

Standardet shqiptare jane te lira per t'u perdorur nga çdo person, fizik e juridik, qe ushtron veprimtari prodhimi dhe sherbime ne Republiken e Shqiperise.

Standardet nderkombetare, europiane dhe te shteteve te tjera pershtaten dhe adoptohen si standarde shqiptare, me kusht qe ato t'u sherbejne interesave ekonomike te vendit, instalimit te teknologjive te reja dhe menjanimit te pengesave teknike, ne shkembimin e lire te mallrave me vendet e tjera.

Ministrite dhe institucionet e tjera qendrore, publike, detyrohen te hartojne dhe te ndjekin zbatimin e rregullave teknike, ne te gjitha fushat e veprimtarise qe mbulojne. Rregullat teknike botohen ne Fletoren Zyrtare.

Neni 5

Standardet Shqiptare, ose pjese te tyre, kur gjykohet e nevojshme, perdoren si reference ne aktet ligjore ose nenligjore.

Nisma per pergatitjen e projektstandardeve merren nga personat fizike dhe juridike, si dhe nga vete DPS-ja, e cila ben dhe miratimin perfundimtar te tyre.

Perfaqesuesit e ministrive dhe te institucioneve te tjera qendrore, publike, bashkepunojne me DPS-ne, per hartimin dhe rishikimin e standardeve shqiptare, si dhe per pershtatjen dhe adoptimin e standardeve nderkombetare, europiane apo te nje shteti tjetër.

Ministrite e interesuara bashkepunojne me DPS-ne, me qellim qe personat, fizike dhe juridike, te zbatojne ne veprimtarine e tyre sistemet e cilesise.

Neni 6

E drejta ekskluzive per publikimin dhe shitjen e standardeve i takon DPS-se, e cila mund t'ia delegoje kete te drejte ndonje subjekti tjetër, publik ose privat, mbi bazen e nje kontrate te lidhur me te.

Subjektet fizike dhe juridike detyrohen te blejne prane DPS-se ato standarde, te cilat jane perdorur si reference ne aktet ligjore e nenligjore.

KREU III

DREJTORIA E PëRGJITHSHME E STANDARDIZIMIT

Neni 7

Per drejtimin, organizimin dhe kontrollin e punes per standardizimin, akreditimin, certifikimin dhe sigurimin e sistemeve te cilesise ne Republiken e Shqiperise, funksionon Drejtoria e Pergjithshme e Standardizimit.

Neni 8

DPS-ja eshte institucion qendror, publik, me qender ne Tirane, ne varesi te Keshillit te Ministrave dhe drejtohet nga Drejtori i Pergjithshem.

DPS-ja eshte institucion buxhetor.

Drejtori i Pergjithshem emerohet e shkarkohet nga Keshilli i Ministrave.

Neni 9

Drejtoria e Pergjithshme e Standardizimit ushtron kompetencat si vijon:

- 1 - Organizimin dhe ndjekjen e procedurave te hartimit dhe te miratimit te standardeve shqiptare, certifikimit te produkteve, sherbimeve, sistemeve te cilesise dhe te personelit.
- 2- Ndjekjen e procedurave te standardizimit, akreditimit dhe te certifikimit, duke u mbeshtetur ne standardet e organizmave nderkombetare dhe europiane, te standardizimit.
- 3 - Miratimin e standardeve shqiptare, pershtatjen dhe adoptimin e standardeve nderkombetare, europiane e te vendeve te tjera si standarde shqiptare, me perjashtim te standardeve te fushes se telekomunikacionit, duke mbajtur parasysh marreveshjet nderkombetare ne fuqi.
- 4 - Rishikimin e standardeve shqiptare ekzistuese.
- 5 - Akreditimin e laboratoreve te provave, organizmave certifikues dhe atyre inspektuese pasi te jete bere kalibrimi nga organi kompetent.
- 6 - Perfagesimin e Republikes se Shqiperise ne organizatat nderkombetare, europiane e rajonale, per fushat e veprimtarise, te percaktuara ne nenin 1 te ketij ligji, duke mbajtur parasysh marreveshjet nderkombetare, ku shteti yne eshte pale.
- 7 - Lidhjen e marreveshjeve te bashkepunimit me organet homologe te shteteve te tjera, per informacionin, shkembimin e literatures, pervojen dhe kualifikimin e specialisteve, per fushat e percaktuara ne nenin 1 te ketij ligji, me synim lehtesimin e pengesave teknike ne tregti.
- 8 - Lidhjen e marreveshjeve me organet homologe per njohjen e ndersjellte te raportanalizave te laboratoreve te akredituar, te markave te konformitetit dhe te sigurise.
- 9 - Nxitjen e studimeve, botimeve, pervojave e kerkimeve, qe kane te bejne me standardizimin dhe veprimtarite qe lidhen me te. Nxitjen dhe bashkerendimin e nismave, me karakter shkencor, teknik, zbatues dhe kulturor qe kane te bejne me to.
- 10 - Mbajtjen dhe administrimin e arkives se standardeve shqiptare e te huaja dhe kryerjen e sherbimit te informacionit, sipas nevojave te subjekteve, vendase ose te huaja, qe kryejne veprimtari ekonomike ne Republikene e Shqiperise.
- 11 - Pergatitjen e akteve ligjore e nenligjore per veprimtarite qe mbulon ajo.
- 12 - Propozimin e tarifave ne Ministrine e Financave, per sherbimet qe kryen per te tretet.

KREU IV

DEKLARIMI DHE VERIFIKIMI

Neni 10

Te gjitha produktet, proceset, apo sherbimet e tjera, qe kane te bejne me sigurine e jetes, mbrojtjen e shendetit dhe te mjedisit, per te cilat duhen respektuar aktet ligjore e nenligjore, apo rregullat teknike, perkatese, u nenshtrohen procedures se certifikimit te detyruar (dhenies se markes se sigurise).

Kerkesa per kete certifikim behet nga ministrite perkatese.

Per te gjitha produktet, proceset apo sherbimet e tjera, procedura e certifikimit (dhenia e markes se konformitetit), kryhet mbi baza vullnetare, sipas akteve nenligjore.

Analizat per ekspertiza dhe per kontrollin e produkteve, qe kane te bejne me sigurine e jetes, mbrojtjen e shendetit dhe te mjedisit, kryhen vetem ne laboratoret e akredituar.

Neni 11

Deklarimi i konformitetit te nje produkti, procesi apo sherbimi eshte i lire te kryhet nen pergjegjesine personale te prodhuesit ose te tregtuesit, nepermjet nje dokumenti, kur produkti, procesi apo sherbimi nuk mbulohet me rregulla teknike ose standarde shqiptare te detyrueshme, per periudhen e caktuar ne kete ligj.

KREU V

KUNDERVAJTJET

Neni 12

Shkeljet e percaktuara ne nenin 6 te ketij ligji, kur nuk perbejne veper penale, denohen si kundervajtje administrative, me gjobe nga 5 000 (pese mije) leke deri ne 50 000 (pesedhete mije) leke.

Falsifikimet e rezultateve te analizave dhe te markes se sigurise, sipas nenit 10 paragrafi i pare dhe i trete, perbejne veper penale, sipas nenit 186 te Kodit Penal.

Neni 13

1. Te drejten e dhenies se gjobes per kundervajtjet e permendura ne nenin 12, paragrafi i pare, e kane punonjesit e autorizuar te DPS-se.

2. Te drejten e kallezimit per shkeljet e percaktuara ne nenin 12, paragrafi i dyte, e kane respektivisht organizmat e specializuara, prane ministrive e institucioneve te tjera qendrore, publike dhe punonjesit e DPS-se.

Neni 14

Ankimi kunder denimeve administrative, te dhena per shkelje ne nenin 6, paragrafi i pare, behet te Drejtori i Pergjithshem i DPS-se, i cili pergjigjet brenda 30 diteve nga data e marrjes se ankimit. Kur pergjigjja nuk eshte e kenaqshme, ankuesi, ka te drejte t'u drejtohet organeve gjyqesore.

KREU VI

DISPOZITA TRANSITORE

Neni 15

Standardet shqiptare te detyrueshme ne fuqi e ruajne kete status per nje periudhe deri ne tre vjet pas hyrjes ne fuqi te ketij ligji.

DPS-ja, brenda periudhes se percaktuar ne piken 1 te ketij neni, deklarone emrat dhe numrat e standardeve shqiptare te detyrueshme.

Neni 16

Gjate periudhes se percaktuar ne nenin 15 pika 1, ministrite dhe institucionet e tjera qendrore, publike, ne bashkepunim me DPS-ne, ndjekin zbatimin e standardeve shqiptare, me status te detyrueshem, sipas veprimtarive qe mbulojne.

KREU VII

DISPOZITA PERFUNDIMTARE

Neni 17

Ngarkohet Keshilli i Ministrave te nxjerre aktet e meposhtme nenligjore per zbatimin e ketij ligji, duke respektuar kompetencat e tij:

- Kodin e pergatitjes, adoptimit, miratimit dhe zbatimit te standardeve.
- Kompetencat ne fushen e standardizimit, akreditimit dhe certifikimit.
- Shkembimin e informacionit per standardet dhe rregullat teknike

Neni 18

Ligji nr.7630, date 28.10.1992, "Per standardizimin dhe cilesine" dhe aktet nenligjore per zbatimin e tij, shfuqizohen.

Neni 19

Ky ligj hyn ne fuqi 15 dite pas botimit ne Fletoren Zyrtare.

Shpallur me dekretin nr.2336, date 19.3.1999 te Presidentit te Republikes se Shqiperise,
Rexhep Meidani